



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1606. usque ad annum 1610

Fleury, Claude

August. Vind. [u.a.], 1776

VD18 90118820

§. 116. Canonisatio B. Caroli Borromæi Cardinalis.

[urn:nbn:de:hbz:466:1-67222](https://nbn-resolving.org/urn:nbn:de:hbz:466:1-67222)

Sæc. XVII. deducta fuit. Die septima Julii Pontificatus A. C. 1610. fex statuit, ut Fratres Joannis de Deo deinceps præter votum infirmis inferendi etiam tria substantialia emittant, & veri Religiosi censeantur, cum tamen antea Clemens VIII. eis duntaxat votum de infirmis nuncupare concessisset.

§. CXVI.

*Canonisatio B. Caroli Borromæi
Cardinalis.*

Bullar. Magn. Const. 67. Pauli V. Inter anni hujus fausta vix non unice referenda venit Divi Caroli Borromæi festiva in Superos, Sancti cum titulo, recensio a Paulo V. facta. Postquam enim jam anno Christi millesimo sexcentesimo primo Clemens VIII. acta de vita & prodigiis Beati Caroli per S. R. E. Cardinales Sacris Ritibus præfectos, & tres Sacri Palatii Auditores rigide discuti jusserat, hi novam in præfati Cardinalis vitam & miracula inquisitionem esse instituendam censebant, qua facta, interim Clemente VIII. & Leone XI. vita functis, ut Canonisationis negotium resumeretur, Philippus III. Hispaniarum, & Sigismundus Poloniæ Reges, plurimique alii utriusque sexus Principes ac Præsules Paulum V. Leonis XI. Successorem impense rogabant: unde

unde ut nova hæc acta rursus exacte, ma-
 ture, atque ea, quam tanti negotii gravi-
 tas deposcit, integritate expenderentur,
 Rotæ Auditoribus commisit, qui nulli
 labori ac industriæ parcentes, habitis octo
 Consultationibus tandem anno priori
 die septima Decembris summo Ponti-
 fici, & duodecima ejusdem Mensis die
 Congregationi Sacrorum Rituum refe-
 rebant, constare de Beati Caroli San-
 ctitate, & prodigiis, omniaque ad Ca-
 nonisationem a Sacris Canonibus re-
 quisita legitime fuisse probata. Quo
 facto tredecim Cardinales ad id De-
 putati denuo summo rigore omnes acto-
 rum apices, celebratis undecim Congre-
 gationibus, discutiebant, ac plane cuncta
 legitime probata esse censentes desuper
 summum Pontificem certiore redder-
 ebant. Hic ergo die trigesima Augusti
 hoc anno publicum, ut vocant, Con-
 sistorium indixit, in quo Pinellus Car-
 dinalis facta virtutum ac miraculorum
 relatione, ac recensitis hucusque hac in
 causa agitatis hujus Beati Apotheco-
 sin urgebat: Die decima quarta Septem-
 bris rursus habito conventu, Julius
 Romæ Aulæ Consistorialis Advocatus
 nomine præfatorum Regum pro matu-
 rando hoc negotio supplex perorabat:
 postea Pontifex rem ulteriori delibera-
 tioni relinquendam respondens, habito
Hist. Eccles. Tom. LII. Mm hanc

Sæc. XVII.

A. C. 1610.

Sæc. XVII. hanc in rem fermone omnes hortaba-
A. C. 1610. tur, ut eleemosynis, jejuniis, ac oratio-
 nibus Spiritus Sancti gratiam implora-
 rent. Porro convocabantur ad vigesimam
 primam præfati Mensis diem omnes,
 quotquot Romæ agebant, Cardinales,
 Patriarchæ, Archiepiscopi, Episcopi,
 Sedis Apostolicæ Notarii, Auditores,
 necnon Magister Sacri Palatii, Secretarii
 & Promotor Fiscalis, quibus præsentibus
 Pontifex cunctorum suffragia col-
 ligi jussit, demum vero de vita & mi-
 raculis Beati Caroli tam luculenter dis-
 seruit, ut nemine refragante omnes
 eum Sanctorum honoribus dignum a-
 pertis eorum suffragiis censerent. Tan-
 dem die prima Novembris Papa Bea-
 tum hunc Cardinalem Sanctorum Con-
 fessorum ac Pontificum albo, consueta
 solemnitate adscripsit, ejusque festum
 quotannis die quarta ejusdem Mensis
 celebrari præcepit: Huic suæ Consti-
 tutioni triginta tres Cardinales subscri-
 ptos legimus.

§. CXVII.

Variae Decisiones jussu summi Pontificis emanatae.

Decret. S. Pleraque etiam dubia, quæ circa va-
Congr. Rit. rios Ecclesiæ ritus occurrebant, hoc
Decis. SS. anno summi Pontificis auctoritate de-
Cong. Concil. & *Episc.* cisa